







BODK. REL.









HARANGVE

FAICTE

A V R O Y:

PAR MESSIEVRS. LES

DéputéZ des Habitans
de Tholoze.



A PARIS,

Sur la cōppie imprimée à Tholoze,
Par I. Colommiez, Imprimeur du Roy
en ladiète ville & del'Vniuersité.

AVEC PERMISSION.


M. DC. XXI.

CASE
F

39
326

162197

THE NEWBERRY
LIBRARY



HARANGVE FAICTE
A V ROY.

*Par Messieurs les Députez des
Habitans de Toloze.*

SIRE,

L'AVGVSTE Cle-
mence de Vostre Iustice,
la bonté de Vostre douceur
& la faueur de vos loix, nous
portent humblement aux
pieds de vostre Majesté pour
vous consacrer nos vies &
nos biens, protester toute fi-
delité au seruice de vostre

A ij

grandeur, employer nos forces, avec celles de vos Vlisses, à debattre & abattre l'orgueil de ceux qui se voudront eleuer contre vostre autorité & troubler vos subjects en vostre Royaume.

Et vos subiects, SIRE, ont telle esperance en vostre courage qu'ils vous desseignent des palmes de Trophées pour vous faire paroistre Triomphant sur tous ceux qui rebelles à voz commandemens, semblent mespriser vostre Majesté.

Ce n'est point sans raison que les Anciens ont fait tant d'estat de la fidelité deuë par vn inferieur, à vn supe-

rieur, & qu'ils l'ayent esleuée
jusques à la superiorité des
Cieux, luy donnant lieu près
de la Divinité: puisque par
elle nous approchons de Dieu
& nous rendons confors de
l'essence suprefme, & de fait
au rapport du Docte De-
mosthene, cest la marque la
plus signalée & qui rend
l'homme recommandable
parmy le monde, & qui es-
leve du centre de sa bassesse
pour luy donner place au
nombre des Immortels avecq
... Que si nous croyons Ari-
stote, cest le phare, qui nous
esclaire pour parvenir à tou-
tes vertus, & nous sert de
guide à toutes perfections.

Sophocles nous enseigne
de la bien pratiquer, & ce
grád Aduocat Romain met
en euidéce les particularitez
de son excellence.

Cest ce qui nous met au-
jourd'huy, SIRE, des paroles
en bouche pour vous faire
la declaration des pures in-
tentions de nos ames, par la-
quelle vostre Majesté remar-
quera la fidelité de vos sub-
jects, & Habitans de vostre
ville de Tholoze, qui n'ont
pour but que la sincerité de
leurs consçiées à vostre ser-
uice, & pour marque de leurs
obeissance le desir de vous
seruir en toute humilité.

Comme Darius s'assuroit

73
en la fidelité de Zopyre, ainsi
vous pouuez, SIRE, vous
asseurer du tout en vos tres-
humbles subiects, lesquels se
contiendront à iamais en
leur deuoir, sacrifiant à vos-
tre Majesté leurs vies & leurs
biens, pour en disposer à
vostre volonté, puis qu'il a
pleu à la nature de les assub-
jectir gracieusement soubz
vos equitables Loix.

Outre que c'est vn hon-
neur au bon subiect de fi-
dellement seruir son Roy,
son deuoir l'oblige à garder
ses ordonnances, la grandeur
luy sert d'aiguillon, sa dou-
ceur l'incite au bien, & sa cle-
mence le semond à vn hum-

blereſpect, & qui plus eſt ſer-
uir le Roy; ceſt ſeruir à Dieu,
& ſuivre ſes Loix.

SIRE, noſtre intention
n'eſt autre, que de vous faire
preuve de noſtre fidelité; &
juſques a preſent nous en a-
uons cherché le moyen; &
l'oſaſion; & nous ſupplions
voſtre Maieſté de croire qu'il
n'entra iamais en nos ames
aucun deſir de bezancer le
luſtre de nos Anceſtres; par
vne honteuſe reuolte ou cō-
tradiction de volōté à voſtre
ſeruice. Iamais nous ne ſe-
rons autres que nos Peres:
Iamais nous nombragerons
leur renom, & ne flatterons
le laurier qu'ils ont emporté
en

ré en soutenant la gloire de
vos Ancestres, qui retombe
sur vous.

Voila SIRE le suffrage
General des Habitans de vo-
stre ville de Tholozc: Voila
la voix commune de vostre
peuple: Voila les protesta-
tions de tous vos subjects: ils
le declarét ainsi, & se rengét
tous sous vostre obeïssance:
ils crient tous d'une voix a-
laigre, VIVE LE ROY, re-
tentissent les louanges de vo-
stre gloire, & publient la
grandeur de vos vertus, dont
la renommée vollera au delà
des colonnes d'Hercule, &
se verra des quatre coins du
monde.

Nous accourons vers vous
reclamant vostre nom, voila
le manifeste de nos inten-
tions & volonte^z disposées à
la reception de vos cōman-
dements, & preparées pour
mettre a effet vos ordonnan-
ces; Nous (dis-je) qui en la
Principauté de vostre Roy-
aume voulons estre les pre-
miers à donner exemple a
ceux qui vivent soubz mes-
mes loix avec nous, en suiua^s
d'autant mieux les vestiges
de nos deuanciers, lesquels
par leurs vigilēces & fidelités,
ont remporté iusques dans
le Tombeau le tiltre de plus
fidels à vostre Couronne.

C'est pourquoy aussi, SIRE,

nous demeurerons inefbran-
 lables, & rien ne pourra nous
 destourner du vray sentier
 dans lequel nous sommes, &
 à la poursuite duquel nous
 n'esçaurions nous promettre
 autre chose que des palmes
 & lauriers, puis qu'ils y croi-
 sent pour servir de salaire &
 recompense à ceux qui au-
 ront employé leur coutage
 pour le service de vostre Ma-
 jesté, soubz l'estendard de la-
 quelle nous marcherons tant
 qu'il plaira à Dieu nous con-
 seruer nos vies & nos biens.


En fin **SIRE**, nous vous
 declarons succinctement, a-
 testons & vous iurons sans
 dissimulation toute fidelité,

mesme protestós d'employ-
 er tout ce qui sera en nostre
 puissance pour empescher
 l'audace effrenée, & l'insol-
 ente temerité de ceux qui
 veulent & voudront trou-
 bler insolemment vostre re-
 pos particulier, & le nostre
 general, nous assurant, &
 nous promettât de leur don-
 ner du pis quelque resoluti-
 qu'ils puissent auoir.

C'est à quoy nous nous reco-
 gnoissons to^r obligez, SIRE,
 & cōme vos tres-hūbles sujets
 prions le tout puissant, qu'il
 vous conserue, & maintien-
 ne, & vous donne les victoi-
 res des Clotaires, & des Da-
 goberts, ou plûtost des Char-

lemagnes , à celle fin que
nous les puissions chanter
assis à l'ombre de vos fleurs
delis , & qu'il plaise à sa di-
uine bonté & misericorde
sec onder nos vœux, & nos
intentions , & nous faire la
grace de faire paroistre à vo-
stre Majesté les effects de
nos paroles, allumées au vifs
encensoirs de nos cœurs.

F I N.



LA VILLE DE THOLOZE
A V R O Y.

SIRE Vostre iouge est si doux
Et siuste est vostre puissance
Que par la loy d'obeyssance
Mon cœur ne peut estre qu'à vous.

A V T R E.

IAy le cœur franc & l'esprit coy
Humble aux loix de cet empire
Autre chose ie ne respire
Que le seruice de mon Roy.



Permission.

ILest permis à Isaac Mesnier
Marchand libraire en ceste
ville, de faire imprimer un
petit discours intitulé, *Ha-
rangue faicte au Roy par Mes-
sieurs les deputez des Habitans
de Tholoze*, & deffences sont
faictes à tous autres de le cō-
trefaire, sur peine damande,
& confiscation des exem-
plaires. Fait ce 9. Decem-
bre 1621.

THE HISTORY OF THE

REIGN OF

CHARLES THE FIRST

IN

THE

REIGN OF

CHARLES THE FIRST

IN

THE

REIGN OF

CHARLES THE FIRST

IN

THE

REIGN OF

CHARLES THE FIRST

IN

THE

REIGN OF

CHARLES THE FIRST

IN

THE

